

**ODLUKA**  
**O PRIHVATANJU ZADUŽENJA PO SPORAZUMU O KREDITU IZMEĐU**  
**BOSNE I HERCEGOVINE I UNICREDIT BANK AUSTRIA AG ZA**  
**FINANSIRANJE PROJEKTA NABAVKE, INSTALACIJE, OBUKE I**  
**ODRŽAVANJA MEDICINSKE I NEMEDICINSKE OPREME I USLUGA U**  
**KANTONALNOJ BOLNICI ORAŠJE**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), Parlament Federacije Bosne i Hercegovine, na sjednici Predstavničkog doma, održanoj 26.10.2011. godine i na sjednici Doma naroda, održanoj 10.11.2011. godine, donio je

## ODLUKU

### **O PRIHVATANJU ZADUŽENJA PO SPORAZUMU O KREDITU IZMEĐU BOSNE I HERCEGOVINE I UNICREDIT BANK AUSTRIA AG ZA FINANSIRANJE PROJEKTA NABAVKE, INSTALACIJE, OBUKE I ODRŽAVANJA MEDICINSKE I NEMEDICINSKE OPREME I USLUGA U KANTONALNOJ BOLNICI ORAŠJE**

#### I.

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o kreditu između Bosne i Hercegovine i UniCredit bank Austria AG, u iznosu od 1.980.000,00 EUR-a, za realizaciju Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje.

#### II.

Sredstva kredita iz tačke I. ove Odluke koristit će se za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje. Cilj Projekta je nabavka opreme za Kantonalnu bolnicu Orašje, kao i pružanje usluga kroz trening i edukaciju, čime bi se omogućilo kvalitetnije pružanje usluga i postigla veća efikasnost u obavljanju istih.

#### III.

Sredstva kredita iz tačke I. ove Odluke, odobravaju se Federaciji pod slijedećim uslovima:

- iznos zajma.....1.980.000,00 EUR
- rok otplate..... 13 godina
- grace period..... 4 godine
- kamatna stopa .....0,0 %
- dospjeća .....polugodišnje, u jednakim otplatama glavnice
- troškovi garancije..... 1,175 %  
(podržano grantom Ministarstva finansija Austrije u iznosu od 161.695 EUR)
- troškovi upravljanja .....0,45% jednokratno
- troškovi za neiskorištena sredstva .....0,35% godišnje  
(u toku perioda podizanja uz kvartalno plaćanje)

#### IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o kreditu između Bosne i Hercegovine koju zastupa Ministarstvo finansija i trezora i Unicredit banke AG Austria za realizaciju Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje;
- Usaglašeni zapisnik sa pregovora.

**V.**

Kreditna sredstva iz tačke I. ove Odluke Federacija prenosi na kreditnoj osnovi na Posavski kanton.

U periodu implementacije Projekta, u Budžetu Federacije nije potrebno osigurati finansijska sredstva za dodatno sufinansiranje Projekta.

**VI.**

Zadužuje se Federalno ministarstvo finansija da sa Posavskim kantom usaglasi i sklopi odgovarajući Podugovor o kreditu kojim će, u svrhu redovne otplate, definirati uslove vraćanja sredstava koja se prenose na kreditnoj osnovi.

**VII.**

Daje se saglasnost za zaključivanje Supsidijarnog sporazuma o kreditu između Bosne i Hercegovine i Federacije i Podugovora o kreditu između Federacije i Posavskog kantona za kredit iz tačke I. ove Odluke.

Za potpisivanje Supsidijarnog sporazuma i odgovarajućeg Podugovora o kreditu ovlašćuje se federalni ministar finansija.

**VIII.**

Za realizaciju ove Odluke i izvještavanje zadužuju se Federalno ministarstvo finansija, Ministarstvo finansija Posavskog kantona, Ministarstvo zdravstva, rada i socijalne politike Posavskog kantona i Kantonalna bolnica Orašje, svako u okviru svoje nadležnosti.

**IX.**

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

**X.**

Ova Odluka stupa na snagu narednog dana od dana objavljivanja u "Službenim novinama Federacije BiH".

**PREDSJEDAVAJUĆA  
DOMA NARODA  
PARLAMENTA FEDERACIJE BiH**

Karolina Pavlović

**PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH**

Dr. Denis Zvizdić